

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 25 MEI 2015, PUKUL 10.00 PAGI**

**Bil. 25**

---

**PERTANYAAN-PERTANYAAN BAGI JAWAB LISAN**

1. PR-1332-L68167  
**Dato' Ir. Haji Nawawi bin Ahmad [ Langkawi ]** minta **MENTERI KESIHATAN** menyatakan Hospital Langkawi memberi khidmat bukan saja pada 120,000 orang penduduk Langkawi malah terpaksa menampung pesakit dari kalangan 3.6 juta pelancong yang mengunjungi Langkawi. Akibatnya kesesakan katil bagi pesakit dan kadang kala terpaksa meletakkan katil tambahan di luar ruang bilik. Di samping itu kakitangan hospital pun tidak mencukupi. Apakah ada perancangan Kementerian untuk mengatasi masalah ini.
2. PR-1332-L68056  
**Dr. Ko Chung Sen [ Kampar ]** minta **MENTERI DALAM NEGERI** menyatakan :-
  - (a) bilangan anggota polis dan bajet yang diperuntukkan untuk menangani ancaman Islamic State (IS) dan keganasan; dan
  - (b) sama ada kesemua 126,000 anggota polis kini ditugaskan untuk memantau laman media sosial bagi menjejak bakal pengganas.
3. PR-1332-L68306  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **PERDANA MENTERI** menyatakan beban tekanan yang bertambah berat sehingga tidak menggembirakan boleh membahayakan seseorang dan dikatakan boleh membawa kepada munculnya penyakit-penyakit seperti ulser, kardiovaskular, barah, penyakit otot dan sebagainya. Adakah pihak Kementerian Kesihatan telah melakukan kajian tentang kadar stress di kalangan penjawat awam. Sekiranya kajian tersebut telah dijalankan, apakah dapatan kajian tersebut. Jabatan atau agensi Kerajaan manakah yang mempunyai bilangan pegawai dan kumpulan pengkhidmat yang paling ramai mengalami tekanan atau stress.

4. PR-1332-L68431  
**Puan Kasthuriraani a/p Patto [ Batu Kawan ]** minta **MENTERI PENDIDIKAN** menyatakan jumlah serta jenis peruntukan kepada semua sekolah secara terperinci di kawasan Batu Kawan (Perai, Bukit Tengah dan Bukit Tambun serta Pulau Aman) dari tahun 2005 sehingga kini.
5. PR-1332-L68146  
**Tuan Che Mohamad Zulkifly bin Jusoh [ Setiu ]** minta **MENTERI KERJA RAYA** menyatakan adakah terdapat perancangan untuk menaik taraf Jalan Persekutuan FTO3 daripada dua lorong kepada empat lorong terutamanya di kawasan Bandar Permaisuri, Setiu, Terengganu kerana telah berlaku kesesakan di jalan tersebut terutamanya pada musim perayaan, musim cuti persekolahan dan cuti hujung minggu.
6. PR-1332-L67667  
**Dr. Azman bin Ismail [ Kuala Kedah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan kadar kesuburan mengikut kaum di Malaysia dan minta dijelaskan apakah Kementerian ada sasaran kadar kesuburan tertentu mengikut kaum di Malaysia.
7. PR-1332-L67549  
**Datuk Madius Tangau [ Tuaran ]** minta **MENTERI PERUSAHAAN PERLADANGAN DAN KOMODITI** menyatakan keluasan ladang kelapa sawit di seluruh negara serta perincian terkini industri komoditi ini di Sabah dan Sarawak.
8. PR-1332-L69215  
**Tuan Ahmad Baihaki bin Atiqullah [ Kubang Kerian ]** minta **MENTERI PENDIDIKAN** menyatakan setelah sekian lama diperkenalkan dan mendapat hasil yang agak baik, apakah sebab utama Kerajaan telah menghentikan sistem pembelajaran JQAF daripada sekolah-sekolah aliran Kebangsaan.
9. PR-1332-L68543  
**Datuk Ahmad Jazlan bin Yaakub [ Machang ]** minta **MENTERI KEMAJUAN LUAR BANDAR DAN WILAYAH** menyatakan sejauh manakah pencapaian Kementerian dalam menjana pendapatan isi rumah 40% ke bawah bertepatan dengan inisiatif yang ke-25 di dalam RMK-10 yang diterajui oleh Kementerian.
10. PR-1332-L69096  
**Tuan Oscar Ling Chai Yew [ Sibul ]** minta **MENTERI KESIHATAN** menyatakan sebab kes kanser semakin berleluasa di negara kita, senaraikan jumlah mengikut jenis kanser dan negeri. Berapakah kes kanser yang berjaya dirawat.
11. PR-1332-L68025  
**Tuan Anyi Ngau [ Baram ]** minta **MENTERI KEWANGAN** menyatakan rasional di sebalik penolakan cadangan untuk mengecualikan pengangkutan udara di Sabah dan Sarawak daripada dikenakan GST memandangkan ianya merupakan satu-satunya mod pengangkutan ke kawasan pedalaman yang sukar diakses.

12. PR-1332-L67880  
**Dr. Michael Jeyakumar Devaraj [ Sungai Siput ]** minta **MENTERI TENAGA, TEKNOLOGI HIJAU DAN AIR** menyatakan jumlah karbon dioksida yang dikeluarkan dalam penjanaan 1 megawat kuasa elektrik daripada gas asli dan batu arang.
13. PR-1332-L69067  
**Datuk Bung Moktar bin Radin [ Kinabatangan ]** minta **MENTERI KEWANGAN** menyatakan perancangan pihak Kerajaan dalam memastikan masyarakat secara menyeluruh dapat memahami tujuan, manfaat serta format pelaksanaan Cukai Barang dan Perkhidmatan (GST) agar dapat mengelakkan persepsi negatif rakyat terhadap pelaksanaan GST ini.
14. PR-1332-L68696  
**Tuan Charles Anthony Santiago [ Klang ]** minta **MENTERI KEWANGAN** menyatakan sama ada Kementerian bercadang untuk mengecualikan ubat-ubatan untuk penyakit barah, HIV dan penyakit-penyakit serius daripada dikenakan cukai GST.
15. PR-1332-L67634  
**Datuk Joseph Salang anak Gandum [ Julau ]** minta **MENTERI KESIHATAN** menyatakan status pembinaan Klinik Desa Ulu Entabai Julau, Sarawak dan Klinik Pekan Pakan, Sarawak serta kelengkapan masing-masing apabila siap kelak.
16. PR-1332-L69150  
**Tuan Chua Tian Chang @ Tian Chua [ Batu ]** minta **MENTERI SUMBER MANUSIA** menyatakan apakah implikasi Komuniti Ekonomi ASEAN untuk pasaran tenaga kerja dan sumber manusia di Malaysia. Apakah rancangan Kementerian untuk menggalakkan kemasukan tenaga kerja profesional dan berkualiti ke Malaysia dan juga perlindungan yang lebih baik untuk buruh dari negara-negara jiran.
17. PR-1332-L67928  
**Datuk Wee Jeck Seng [ Tanjong Piai ]** minta **MENTERI KEWANGAN** menyatakan apakah tindakan yang akan diambil oleh Kementerian terhadap peniaga-peniaga kecil yang menghadapi masalah menyesuaikan kepada sistem GST.
18. PR-1332-L68109  
**Puan Hajah Zuraida binti Kamaruddin [ Ampang ]** minta **MENTERI PENDIDIKAN** menyatakan adakah guru-guru pendidikan khas di sekolah-sekolah kebangsaan mendapat latihan dalam mengendalikan pendidikan kanak-kanak khas ini.
19. PR-1332-L69002  
**Tuan Haji Hasbi bin Haji Habibollah [ Limbang ]** minta **MENTERI DALAM NEGERI** menyatakan apakah Kerajaan akan mengulangi Ops Cantas seperti dulu secara berterusan untuk memburu dan menghapuskan gangsterisme di seluruh pelusuk negara.

20. PR-1332-L69236  
**Dato' Seri Abdul Hadi bin Awang [ Marang ]** minta **MENTERI LUAR NEGERI** menyatakan apakah usaha yang dilakukan oleh ASEAN dalam memperjuangkan keamanan dan keselamatan serantau khususnya melibatkan rakyat Rohingya dan Selatan Thailand.
21. PR-1332-L67566  
**Datuk Nur Jazlan bin Mohamed [ Pulau ]** minta **PERDANA MENTERI** menyatakan pecahan pembeli rumah PR1MA mengikut kaum dan gaji serta berapa lamakah tempoh yang diperlukan bagi memastikan seseorang pembeli mengetahui mereka berjaya membeli rumah berkenaan.
22. PR-1332-L68361  
**Tuan Wong Sze Phin @ Jimmy [ Kota Kinabalu ]** minta **PERDANA MENTERI** menyatakan :-
- (a) bilangan Pendatang Asing Tanpa Izin (PATI) yang telah ditahan sejak operasi ESSCOM dan berikan pecahan seperti bekerja, tidak bekerja, jantina, umur serta bilangan dan tarikh dihantar pulang; dan
  - (b) apa status terkini pemindahan penduduk dan perkampungan di Pulau Gaya ke Kinarut.
23. PR-1332-L68607  
**Dr. Mansor bin Abd Rahman [ Sik ]** minta **MENTERI DALAM NEGERI** menyatakan apakah tindakan oleh Kerajaan kepada mereka yang menghina agama dan bangsa yang mampu mengugat kestabilan keamanan serta perpecahan dalam kalangan masyarakat Malaysia dan berapakah kes rasis yang telah berjaya ditangkap oleh pihak polis dari tahun 2012-2014.
24. PR-1332-L69328  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan status siasatan terhadap tuduhan cetak rompak cerpen-cerpen Chua Kok Yee, Kee Thuan Chye dan Robert Raymer yang digunakan untuk kertas Sastera Bahasa Inggeris SPM.
25. PR-1332-L69374  
**Datuk Juslie bin Ajirol [ Libaran ]** minta **MENTERI PELANCONGAN DAN KEBUDAYAAN** menyatakan pencapaian pengisian produk pelancongan dan pembangunan pelancongan domestik setakat ini selepas menyasarkan Malaysia berada pada kedudukan 10 negara teratas dikunjungi pelancong global dengan jangkaan perolehan RM115 bilion dan menyediakan dua juta peluang pekerjaan menjelang tahun 2016.
26. PR-1332-L68347  
**Tuan Wong Chen [ Kelana Jaya ]** minta **MENTERI KEWANGAN** menyatakan jumlah hasil cukai yang telah dikutip oleh pihak Kerajaan daripada cukai GST dari tempoh 1 April 2015 hingga 30 April 2015.

27. PR-1332-L67982  
**Dr. Noor Azmi bin Ghazali [ Bagan Serai ]** minta **MENTERI SUMBER ASLI DAN ALAM SEKITAR** menyatakan adakah Kementerian akan mengazetkan Kuala Gula sebagai santuari burung laut, tempat singgahnya beribu-ribu burung hijrah dari hemisfera dunia dan kawasan penternakan ketam dan udang, pengurusan hutan paya bakau yang baik dan menjadi tarikan pelancong dalam dan luar negara, dan juga sebagai kawasan simpanan kekal dan menjadikannya salah satu tempat Ramsa Dunia.
28. PR-1332-L68450  
**Tuan Lim Kit Siang [ Gelang Patah ]** minta **MENTERI DALAM NEGERI** menyatakan dwi-standard pihak berkuasa terhadap mereka yang berpiket di depan Pejabat Kastam Kelana Jaya pada 23 Mac 2015 kerana membantah GST, dan mereka yang berpiket di depan gereja Taman Medan pada 19 April 2015 kerana membantah pemaparan tanda salib, sedangkan kedua-dua kumpulan ini mengamalkan hak perlembagaan mereka untuk berhimpun.
29. PR-1332-L68570  
**Dato' Seri Reezal Merican bin Naina Merican [ Kepala Batas ]** minta **PERDANA MENTERI** menyatakan apakah ada rancangan/pelan untuk menyusun semula struktur dan organisasi Majlis Keselamatan Negara (MKN) bersesuaian dengan cabaran dan kompleksiti keselamatan global mutakhir ini.
30. PR-1332-L68054  
**Dr. Ko Chung Sen [ Kampar ]** minta **MENTERI PENDIDIKAN** menyatakan :-
- (a) bilangan dan peratusan guru-guru Bahasa Inggeris yang telah mengambil Penilaian Bahasa Inggeris Cambridge (Cambridge English Language Assessment) dan yang mencapai tahap C1 dan C2; dan
  - (b) bilangan dan peratusan pelajar yang telah mengambil ujian ini dan mencapai tahap C1 dan C2, dan sasaran peratusan yang ditetapkan untuk guru-guru Bahasa Inggeris dan pelajar untuk dicapai menjelang tahun 2020 dan langkah-langkah yang diambil untuk merealisasikan.
31. PR-1332-L68323  
**Datuk Jumat bin Idris [ Sepanggar ]** minta **MENTERI SUMBER ASLI DAN ALAM SEKITAR** menyatakan adakah permohonan Jabatan Parit dan Saliran Sabah untuk melebar dan mendalami sungai Menggatal dan Mensiang mendapat perhatian dan kelulusan kementerian.
32. PR-1332-L68954  
**Tuan R. Sivarasa [ Subang ]** minta **PERDANA MENTERI** menyatakan :-
- (a) kenapa permohonan tidak dibuat di Mahkamah Rayuan dan Persekutuan untuk waran tangkap untuk Koperal Sirul Azhar; dan
  - (b) adakah Kerajaan telah membuat permohonan ekstradisi di negara Australia dan statusnya.

33. PR-1332-L69394  
**Tuan Haji Mohd Fasih bin Haji Mohd Fakeh [ Sabak Bernam ]** minta **MENTERI SAINS, TEKNOLOGI DAN INOVASI** menyatakan apakah peranan Malaysia dalam memanfaatkan benua Antartika dan setakat manakah penglibatan Malaysia dalam bidang penyelidikan di benua Antartika berkenaan serta nyatakan penyelidikan-penyelidikan yang telah dijalankan oleh rakyat Malaysia dan kejayaannya.
34. PR-1332-L68713  
**Tuan Lim Lip Eng [ Segambut ]** minta **PERDANA MENTERI** menyatakan adakah benar dakwaan Suruhanjaya Hak Asasi Manusia (SUHAKAM) bahawa Kerajaan tidak pernah meminta pendapat SUHAKAM sebelum sebarang rang undang-undang dibentangkan di Parlimen dan SUHAKAM hanyalah merupakan “harimau tak bertaring” sejak ia ditubuhkan pada tahun 2000.
35. PR-1332-L67916  
**Datuk Haji Datu Nasrun bin Datu Mansur [ Silam ]** minta **MENTERI KOMUNIKASI DAN MULTIMEDIA** menyatakan di bawah Akta Komunikasi dan Multimedia Malaysia 1998 [Akta 588] berapa ramai rakyat Malaysia yang telah disabitkan di bawah akta tersebut dan apakah tindakan yang telah diambil oleh Kementerian terhadap individu yang telah memanipulasi dan menghina pemimpin melalui gambar-gambar yang dimuat naik ke dalam internet.
36. PR-1332-L67580  
**Dato' Johari bin Abdul [ Sungai Petani ]** minta **MENTERI KERJA RAYA** menyatakan :-
- (a) kualiti jalan-jalan Persekutuan kini menurun jika dibandingkan dengan jalan-jalan yang dibina pada tahun-tahun 70an dan 80an. Apakah yang menyebabkan penurunan kualiti ini; dan
  - (b) adakah Kementerian bercadang menubuhkan satu unit bagi mengkaji penggunaan getah keluaran negara digunakan sebagai bahan binaan jalan raya.
37. PR-1332-L68272  
**Puan Teresa Kok Suh Sim [ Seputeh ]** minta **MENTERI PELANCONGAN DAN KEBUDAYAAN** menyatakan sebab penurunan kemasukan pelancong asing ke Malaysia pada satu tahun yang lepas. Apakah strategi dan rancangan Kementerian untuk menarik lebih pelancong ke Malaysia.
38. PR-1332-L68055  
**Dr. Ko Chung Sen [ Kampar ]** minta **MENTERI PENGANGKUTAN** menyatakan :-
- (a) bilangan kamera AES yang telah dipasang di seluruh negara; dan
  - (b) bilangan saman yang telah dikeluarkan pada tahun-tahun lepas dan jumlah denda yang telah dikutip.

39. PR-1332-L68949  
**Tan Sri Dato Sri William Mawan Ikom [ Saratok ]** minta **MENTERI KEWANGAN** menyatakan apakah alasan Kumpulan Wang Simpanan Pekerja (KWSP) mencadangkan pengeluaran caruman pekerja pada umur 60 tahun.
40. PR-1332-L69414  
**Dato' Noraini binti Ahmad [ Parit Sulong ]** minta **MENTERI KEWANGAN** menyatakan isu-isu utama yang perlu ditangani oleh Kerajaan untuk memperbaiki pelaksanaan GST berdasarkan kepada jenis-jenis aduan yang diterima sejak GST dilaksanakan.
41. PR-1332-L67905  
**Tuan Loke Siew Fook [ Seremban ]** minta **PERDANA MENTERI** menyatakan status dan pendirian Kerajaan berhubung pengumuman oleh YAB Perdana Menteri pada 1 Jun 2013 untuk menubuhkan sebuah Jawatankuasa Khas Parlimen untuk memantau fungsi Suruhanjaya Pilihan Raya bagi mengembalikan keyakinan orang ramai terhadap institusi SPR.
42. PR-1332-L68119  
**Dr. Ong Kian Ming [ Serdang ]** minta **MENTERI PENDIDIKAN** menyatakan tarikh SJK(C) Bukit Serdang dan SJK(C) Sungai Long akan mula menerima pelajar-pelajar dan menjelaskan mengapa pembukaan sekolah-sekolah ini telah ditangguhkan.
43. PR-1332-L69249  
**Dr. Mohd Hatta bin Md. Ramli [ Kuala Krai ]** minta **MENTERI PERDAGANGAN ANTARABANGSA DAN INDUSTRI** menyatakan sejauh manakah keberkesanan implementasi Program Groom Big dan berapakah bilangan usahawan yang telah mendapat manfaat di bawah program ini.
44. PR-1332-L69162  
**Tuan Liew Chin Tong [ Kluang ]** minta **PERDANA MENTERI** menyatakan :-
- (a) dalam usaha mentransformasikan Parlimen bilakah akan dimuatkan semua Jawapan-Jawapan Pertanyaan Jawab Lisan Harian Yang Tidak Dapat Dijawab, Jawapan-Jawapan Pertanyaan Bertulis, dan keputusan undi belah bahagian dalam Dewan Rakyat dan Negara ke dalam Portal Parlimen; dan
  - (b) bilakah Kerajaan akan meminda Peraturan-Peraturan Majlis Mesyuarat Dewan untuk mengagihkan masa tertentu bagi urusan ahli yang bukan Kerajaan.

45. PR-1332-L68196  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI PENDIDIKAN** menyatakan :-
- (a) adakah pihak Kementerian bercadang untuk merangka pendekatan alternatif yang lebih efektif bagi mendekati pelajar yang mempunyai masalah disiplin secara lebih berkesan di samping memberi peluang kepada mereka untuk menyelesaikan isu disiplin sesama mereka serta sejauh manakah keberkesanan kerja sama strategik di antara pihak polis dengan pihak sekolah di dalam menangani isu gengsterisme dan buli di kalangan pelajar di sekolah; dan
  - (b) adakah kerjasama ini akan diperluaskan dengan melibatkan pihak universiti, JKKK serta JPP.
46. PR-1332-L68687  
**Datuk Mas Ermieyati binti Samsudin [ Masjid Tanah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah Kementerian bersedia dalam membantu golongan wanita supaya mencebur diri di dalam bidang perniagaan e-commerce di mana bidang ini mempunyai potensi yang besar dalam membantu wanita untuk kembali dalam rantaian bekalan kerja.
47. PR-1332-L68603  
**Dato' Sri Haji Abdul Azeez bin Abdul Rahim [ Baling ]** minta **PERDANA MENTERI** menyatakan apakah alternatif pihak Kerajaan membantu menyelesaikan masalah-masalah kerosakan akibat bencana alam seperti ribut di mana mangsa kadangkala memerlukan bantuan dengan segera bagi membaiki rumah yang rosak untuk berteduh.
48. PR-1332-L67596  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan adakah Kerajaan bercadang menaikkan umur bersara bagi hakim-hakim di Malaysia kepada 70 tahun.
49. PR-1332-L68766  
**Tuan Gooi Hsiao-Leung [ Alor Setar ]** minta **PERDANA MENTERI** menyatakan apakah langkah-langkah yang akan diambil oleh Kerajaan untuk memperkukuhkan peranan Suruhanjaya Hak Asasi Manusia Malaysia (SUHAKAM) memandangkan kenyataan oleh Pengerusinya baru-baru ini bahawa badan tersebut adalah "*worse than a toothless tiger*".
50. PR-1332-L68469  
**Tuan William Leong Jee Keen [ Selayang ]** minta **MENTERI DALAM NEGERI** menyatakan rasional perintah hanya mengizinkan pengecualian yuran visa dan bukannya pengecualian visa bagi pelancong dari negara Republik Rakyat China (RRC).



51. PR-1332-L67494  
**Puan Siti Zailah binti Mohd Yusoff [ Rantau Panjang ]** minta **PERDANA MENTERI** menyatakan apakah halangan untuk membolehkan Pelaksanaan Enakmen Kanun Jenayah Syariah dengan meminda Akta 355 agar hak Islam sebagai agama Persekutuan dapat dihayati sepenuhnya.
52. PR-1332-L68403  
**Tuan Wong Ling Biu [ Sarikei ]** minta **MENTERI DALAM NEGERI** menyatakan jumlah pendatang asing tanpa izin (illegal immigrants) yang berada di negeri Sarawak. Apakah tindakan Kerajaan pusat untuk menangani masalah buruh haram di negeri Sarawak.
53. PR-1332-L68004  
**Tuan V. Sivakumar [ Batu Gajah ]** minta **MENTERI KEWANGAN** menyatakan langkah-langkah yang diambil oleh Jabatan Kastam Diraja Malaysia untuk membanteras arak murah dan arak yang diseludup masuk ke negara kita. Berapakah jumlah tangkapan dan tindakan yang telah diambil sejak 5 tahun yang lalu.
54. PR-1332-L67654  
**Laksamana Pertama Mohamad Imran bin Abd Hamid (B) [ Lumut ]** minta **MENTERI KERJA RAYA** menyatakan bilakah Kerajaan Persekutuan dapat membantu Kerajaan Negeri khususnya kepada JKR Negeri menaik taraf jalan masuk ke Pengkalan TLDM Lumut daripada dua lorong kepada empat lorong.
55. PR-1332-L68761  
**Dr. Tan Seng Giaw [ Kepong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perkembangan projek WTE Insinerator Beringin, Kepong, termasuk tender, DEIA dan pengasingan sisa pepejal.
56. PR-1332-L68870  
**Puan Hajah Normala binti Abdul Samad [ Pasir Gudang ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah yang diambil oleh pihak Kementerian bagi memastikan harga barang akan turun setelah pelaksanaan GST pada 1 April 2015 dan sejauh manakah keberkesanan langkah-langkah tersebut.
57. PR-1332-L68845  
**Dato' Shamsul Anuar bin Haji Nasarah [ Lenggong ]** minta **MENTERI KEWANGAN** menyatakan :-
- (a) adakah benar dakwaan bahawa BR1M dikatakan pendekatan politik, tidak baik pada ekonomi negara; dan
  - (b) apakah negara-negara lain yang melaksanakan sebagaimana BR1M dan nyatakan secara terperinci sumber kewangan BR1M.
58. PR-1332-L69064  
**Tuan Chong Chieng Jen [ Bandar Kuching ]** minta **PERDANA MENTERI** menyatakan sama ada Kerajaan Persekutuan berniat menggubal Akta Referendum di mana isu-isu penting dapat ditentukan melalui referendum.

59. PR-1332-L69411  
**Tuan Manivanan a/l Gowindasamy [ Kapar ]** minta **PERDANA MENTERI** menyatakan :-
- (a) apakah cadangan dan/atau langkah-langkah Kerajaan untuk memperkenalkan program untuk kanak-kanak berumur 4-6 tahun memandangkan Program Permata Negara tidak merangkumi usia tersebut; dan
  - (b) jumlah kanak-kanak yang berdaftar dan jumlah pendidik Program Permata di setiap Pusat Anak Permata Negara. (secara satu per satu mengikut pusat).
60. PR-1332-L69138  
**Dato' Seri Tiong King Sing [ Bintulu ]** minta **PERDANA MENTERI** menyatakan adakah Kerajaan mempunyai perancangan untuk mengkaji semula skim gaji pegawai dan kakitangan perkhidmatan awam bagi sektor perubatan seperti doktor dan jururawat.
61. PR-1332-L67819  
**Datuk Sapawi bin Ahmad Wasali [ Sipitang ]** minta **MENTERI PELANCONGAN DAN KEBUDAYAAN** menyatakan apakah usaha diambil untuk memulihkan kesan kemerosotan jumlah pelancong yang melawat Sabah berikutan kes-kes penculikan yang berlaku beberapa tahun lalu.
62. PR-1332-L68839  
**Puan Hajah Fuziah binti Salleh [ Kuantan ]** minta **MENTERI SUMBER ASLI DAN ALAM SEKITAR** menyatakan :-
- (a) senarai sektor-sektor yang telah berjaya menyumbang kepada pencapaian sasaran penurunan pengeluaran gas rumah kaca dari 40% kepada 33%; dan
  - (b) pecahan peratus sumbangan setiap sektor, jumlah pengurangan karbon setiap sektor dalam metrik tan dan menerangkan bagaimanakah pengurangan dilaksanakan.
63. PR-1332-L67762  
**Dato' Haji Zainudin bin Ismail [ Jelebu ]** minta **MENTERI KOMUNIKASI DAN MULTIMEDIA** menyatakan adakah kadar bayaran jalur lebar yang dikenakan kepada pelanggan pada masa kini adalah berpatutan dengan perkhidmatan yang disediakan oleh pengendali jalur lebar di Malaysia berbanding dengan negara lain di rantau ini dan adakah Kementerian bercadang untuk mengkaji bagi menurunkan kadar ini.
64. PR-1332-L69246  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan apakah langkah-langkah terkini Kerajaan untuk memastikan perjanjian damai antara Kerajaan Filipina dengan pemimpin-pemimpin Moro yang ditanda tangani pada Mac 2014 berjaya di laksanakan memandangkan proses itu nampaknya sudah terhenti sekarang.

65. PR-1332-L69225  
**Tuan Ramkarpal Singh a/l Karpal Singh [ Bukit Gelugor ]** minta **MENTERI DALAM NEGERI** menyatakan perkembangan siasatan terhadap laporan-laporan polis Dato' Keramat/004618/13, Dato' Keramat/004419/13, Dato' Keramat/004620/13 dan Dato' Keramat/004621/13 berkenaan penembakan mati lima lelaki India oleh pihak polis pada 19 Ogos 2013.
66. PR-1332-L68733  
**Tuan Ignatius Dorell Leiking [ Penampang ]** minta **PERDANA MENTERI** menyatakan sama ada Parlimen akan mengadakan sesi Parlimen Khas untuk meneliti dan membahaskan keputusan Jawatankuasa Siasatan Diraja mengenai pendatang asing tanpa izin di Sabah dan sekiranya Perdana Menteri memikirkan bahawa sesi Parlimen khas ini tidak perlu, nyatakan sebabnya.
67. PR-1332-L69354  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **PERDANA MENTERI** menyatakan jumlah tanah wakaf di seluruh negara dan perancangan-perancangan pembangunan yang akan dilaksanakan dengan tanah wakaf ini terutamanya untuk bidang pendidikan.
68. PR-1332-L67799  
**Dato' Othman bin Aziz [ Jerlun ]** minta **MENTERI TENAGA, TEKNOLOGI HIJAU DAN AIR** menyatakan inisiatif yang bakal diperkenalkan oleh Kementerian bagi membantu usahawan Perusahaan Kecil dan Sederhana (PKS) yang terkesan dengan pelaksanaan GST terhadap tarif elektrik yang bermula 1 April 2015.
69. PR-1332-L67773  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI KEWANGAN** menyatakan :-
- (a) adakah Kementerian maklum bahawa rokok yang diseludup dari negara jiran masih dijual secara berleluasa di kedai-kedai runcit, pasar, bahkan di khalayak ramai dengan bebasnya di Pantai Timur Sabah khususnya di Tawau; dan
  - (b) jika maklum, mengapakah ini masih banyak berlaku dan berapakah kerugian setahun Kerajaan dalam bentuk cukai akibat aktiviti haram ini.
70. PR-1332-L68459  
**Dr. Hajah Siti Mariah binti Mahmud [ Kota Raja ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah polisi Kerajaan mengenai caj perkhidmatan (Service Charge) yang masih dikenakan oleh sesetengah peniaga kepada rakyat walaupun GST sudah dilaksanakan dan apakah tindakan Kerajaan terhadap peniaga-peniaga yang selama ini mengenakan caj perkhidmatan tersebut tetapi wang tersebut tidak diberi kepada pekerja.

71. PR-1332-L67508  
**Tuan Khoo Soo Seang [ Tebrau ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah Kementerian akan menyelidik semula pemasangan CCTV yang telah dilakukan dan bakal dilaksanakan di seluruh negara agar mempertingkatkan fungsi CCTV dalam membanteras jenayah.
72. PR-1332-L68174  
**Tuan Nga Kor Ming [ Taiping ]** minta **MENTERI KEWANGAN** menyatakan berapakah jumlah hasil yang dikutip oleh Kerajaan sejak perlaksanaan cukai GST mulai 1 April, 2015 dan apakah langkah Kerajaan untuk memastikan tiada ketirisan cukai.
73. PR-1332-L68798  
**Datuk Rozman bin Isli [ Labuan ]** minta **MENTERI KERJA RAYA** menyatakan kenapakah Lebuhraya Pan-Borneo tidak melibatkan jalan Persekutuan dari Beaufort ke Labuan memandangkan Labuan adalah wilayah ketiga di “Malaysian Borneo”• selepas Sabah dan Sarawak selain ia juga adalah bandar dan pusat ekonomi penting bagi Malaysia di Borneo.
74. PR-1332-L68245  
**Tuan Julian Tan Kok Ping [ Stampin ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan syarikat yang dikenakan tindakan serta disiasat di bawah Akta Persaingan semenjak 2010:-
- (a) senaraikan setiap syarikat tersebut serta nyatakan status penyiasatan dan jelaskan objektif utama serta kenapa akta ini diwujudkan; dan
  - (b) peranan rakyat jelata dalam keberkesanan pelaksanaan akta ini.
75. PR-1332-L67519  
**Datuk Koh Nai Kwong [ Alor Gajah ]** minta **MENTERI DALAM NEGERI** menyatakan apakah tindakan PDRM untuk menggalakkan rakyat membuat laporan polis terhadap jenayah dan mengembalikan keyakinan rakyat terhadap pihak polis.
76. PR-1332-L68673  
**Tuan Mohd Rafizi bin Ramli [ Pandan ]** minta **MENTERI KEWANGAN** menyatakan setiap pelaburan SRC International Sdn. Bhd. dari jumlah RM3.8 bilion yang dikategorikan “*Class 2 & Class 3 investments*”• oleh juruaudit bagi tahun kewangan 31 Mac 2014. Nyatakan jenis pelaburan, syarikat dilabur dan jumlah.
77. PR-1332-L68937  
**Datuk Ikmal Hisham bin Abdul Aziz [ Tanah Merah ]** minta **MENTERI KEWANGAN** menyatakan adakah Kerajaan bercadang untuk mengecualikan penerima-penerima Bantuan Rakyat 1Malaysia (BR1M) daripada dikenakan GST.

78. PR-1332-L68809  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan sebab perubahan penggunaan dana terbitan bon US\$3 bilion oleh 1MDB Global Investment di mana pelabur diberitahu melalui prospektus bahawa kesemua dana tersebut akan dilabur di Tun Razak Exchange menerusi syarikat usahasama ADMIC. Adakah pihak pelabur telah dimaklum dan kebenaran diperolehi.
79. PR-1332-L67994  
**Dato' Wira Mohd Johari bin Baharom [ Kubang Pasu ]** minta **MENTERI KOMUNIKASI DAN MULTIMEDIA** menyatakan tentang kutipan levi dan caj yang terkumpul di bawah SKMM sejak 2010-2014. Apakah pihak SKMM mempunyai hasrat untuk membuat pelaburan terhadap dana berkenaan (sekurang-kurangnya untuk melabur di dalam negara) bagi mempelbagaikan kegiatan SKMM dalam bidang ICT.
80. PR-1332-L69086  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan langkah-langkah diambil untuk mengurangkan kebergantungan terhadap pekerja asing.
81. PR-1332-L68224  
**Dato' Hasbullah bin Osman [ Gerik ]** minta **MENTERI PEMBANGUNAN WANITA, KELUARGA DAN MASYARAKAT** menyatakan adakah pihak Kementerian serius untuk menukar syarat kelayakan penerima bantuan JKM dalam tempoh terdekat ini bagi membuktikan keseriusan Kerajaan dalam membantu warga yang memerlukan. Bilakah Kementerian bercadang untuk menukar syarat kelayakan tersebut.
82. PR-1332-L68594  
**Puan Nurul Izzah binti Anwar [ Lembah Pantai ]** minta **MENTERI KESIHATAN** menyatakan mengapakah Projek Hospital Besar Padang Besar di Perlis dibatalkan atas alasan keadaan ekonomi, sedangkan Menteri di Jabatan Perdana Menteri Datuk Seri Abdul Wahid Omar berkata pada 1 April 2015, "Keadaan ekonomi negara adalah kukuh bagi menangani pelbagai keadaan persekitaran luar yang tidak menentu".
83. PR-1332-L68239  
**Tuan Sim Tze Tzin [ Bayan Baru ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan penyelesaian masalah pengenaan caj perkhidmatan yang sebanyak 10 peratus oleh restoran dan hotel. Bagaimanakah Kementerian boleh memastikan kesemua caj perkhidmatan dikembalikan kepada pekerja.
84. PR-1332-L69446  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI PENDIDIKAN** menyatakan bilakah dijangka siap pembinaan SK Kampong Tellian di Mukah.

**ATURAN URUSAN MESYUARAT DAN USUL-USUL**

**1. Usul dibuat oleh Perdana Menteri dan masalah dicadangkan :-**

**“Bahawa Dewan ini,**

**menyedari** akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

**merestui** usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

**meluluskan** pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

**Bahawa** dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

**Menyambung semua Perbahasan atas masalah [ 25 Mei, 2015]**

2. (D.R. 18/2015) Rang Undang-undang Antipemerdagangan Orang dan Antipenyeludupan Migran (Pindaan) 2015- **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015)**

**[ Menteri Dalam Negeri ]**

3. (D.R. 19/2015) Rang Undang-undang Kebajikan Haiwan 2015 **Bacaan Kali Yang Kedua**

**[ Menteri Pertanian dan Industri Asas Tani ]**

4. (D.R. 20/2015) Rang Undang-undang Institusi Kewangan Pembangunan (Pindaan) 2015 **“**

**[ Menteri Kewangan ]**

5. (D.R. 9/2015) Rang Undang-undang Kanun Tatacara Jenayah (Pindaan) 2015 “

**[ Menteri Dalam Negeri ]**

6. (D.R. 12/2015) Rang Undang-undang Keterangan (Pindaan) 2015 “

**[ Menteri di Jabatan Perdana Menteri ]**

7. (D.R. 24/2014) Rang Undang-undang Dadah Berbahaya (Pindaan) (No.2) 2014 “

**[ Menteri Kesihatan]**

8. PR-1332-U67740

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

**[ Menteri Dalam Negeri ]**

9. PR-1332-U67741

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara. Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

**[ Perdana Menteri ]**

10. PR-1332-U69065

**Tuan Ng Wei Aik [ Tanjong ]** akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

**[ Menteri Dalam Negeri ]**

11. PR-1332-U67694

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**



12. PR-1332-U68783

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

**[ Menteri Dalam Negeri ]**

13. PR-1332-U68787

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

**[ Menteri Kewangan ]**

14. PR-1332-U69257

**Dato' Kamarudin bin Jaffar [ Tumpat ]** akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

**[ Perdana Menteri ]**

15. PR-1332-U69487

**Dato' Kamarudin bin Jaffar [ Tumpat ]** akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

**[ Perdana Menteri ]**

16. PR-1332-U67593

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah."

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

**[ Menteri Pendidikan ]**

17. PR-1332-U67594

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

**[ Perdana Menteri ]**

18. PR-1332-U67595

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

**[ Menteri Pengangkutan ]**

19. PR-1332-U69440

**Tuan Manivanan a/I Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

20. PR-1332-U69441

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**[ Menteri Dalam Negeri ]**

21. PR-1332-U69442

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

**UCAPAN PENANGGUHAN**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 25.5.2015 (Isnin)	1. YB. Tuan Er Teck Hwa (Bakri)	1. Rancangan Kawasan Khas Bandar Maharani Bandar DiRaja dan Pembangunan Infrastruktur Daerah Muar.	1. YB Menteri Pelancongan dan Kebudayaan